

Jahresrückblick 2019

Wie alle Jahre, am 2. Januar 2019 isch üses Neujahrsapero mit Soldauszahlung bim Stefan Christen gsi, es git aube no es Couvert mit Infos fürs loufende Jahr, wie immer! Es paar Vergässe die Infos mit hei z`näh, dr Sold isch dä nämie si scho mit, ig mues de nächer dene nache go und bringe.

Am 7. Februar, Treberwurstessen, in Tüscherz.

Am 22. Februar heimer GV-2019 im Waldhaus vor Burgergemeinde Schwadernau gha Aktivmitglieder heimer leider 1 Austritt gha, was aber erfreulich isch mir hei es neus Aktivmitglied chönne Ufnäh i Verein. Mir hei e guete Koch gha, dr Maurer Thomas het üs Chüngupfeffer, Spätzli und Salat uftischet, sehr guet gsi! Ende Februar bi ig mit em ne Kolleg Wo Transportdienste anbietet nach Küblis is Graubünde gange, e Handdruckspritze wo üs Geschenkt isch worde go abholen. Das Gerät isch nid ganz i däm Zustand gsi wi si üs gseit hei, das Verlade und Ablade isch es cheibe Knorz gsi!!

9./10. März, IG-Reise, nach Basel Rheinhafen und dann Richtung Basel-Land, mit Besichtigung Vom Henkermuseum in Sissach, es paar hei dört chlei Häcklopfe u Waggeligi Bei übercho, bi dene Geräte wo dört Usgstellt si gsi, weme de no weis was mit dene Sache gmacht isch worde, Jaa....

Im März hei ou wider üsi Mittwuchshöck a gfange.

28. April, Eieraufleset in Scheuren. Mir hei Wetterglück gha, Wettkampf u Fest konnten wir bi trockenem Wetter durchführen. Gewonnen het Schwadernau bi beide Wettkämpf, aber knapp! Jahresanlass 2019 war Emmentaler HDSW in Jegenstorf. Ig ha es guets Gfuehl gha das aues Klappt! Nach em Foto-Termin si mir mit em Glücksspiel dra cho, dört simer uf em 6 e Platz gsi, Mittelfeld.

Am Nachmittag, Wettkampf, jede Befehl wo üse Sprützekommandant dr Mannschaft het gseit, isch genau u richtig erledigt worde. Ja, im Wettkampf hei mir dr 1 Platz beleit, i dr Endrangliste si mir uf em 3 Platz, es Top Ergebnis, Bravo a aui!!

Ende August heimer Passiv und Gönner zu Wurst u Bier Iglade.

Helferessen vom Eieraufleset isch am Samschtig, 7. September im Waldhaus Schwadernau gsi. Ar dr Schlussübung hei mr bir Sprütze vo Küblis mou wöue luege ob do öppis geit.

Nach em Wassereinfüllen isch chlei überall Wasser usegloff, nume vor bim Schlauch nüt.

Wie das Projekt witer geit isch no offe!!

Ds Fondue vor dr Wiehnacht het dr Mauer Michu Organisiert, sehr guet gsi, het aune Gmundet.

So, das wärs wider gsi, bis nächscht Jahr

Presi. Vor IG-Handdruckspritze Scheuren/Schwadernau

Lorenz Gafner